



C40-4514



B 64853

益州嵩山野竹禪師後錄卷五

三

潭州門人宗廣編

復江川令張公耕煙居士
梁城近年來往往得江川人到省會稱道江川公之
清政和平壽此未聞有如此良父母也而且頌聲盈
衢中外不絕不識江川公何修得此美譽如此之隆
也雖未識面常竊慕久矣月日有呂某者來自吳門
得一書乃平江江村和尚所寄啓讀之方知江川公
從先師翁汰窟中來真一代揚李也江村有字寄公

〔撰述〕

〔重刊〕自卷金石五

署已托之從聞禪師不意從聞往臨安所以不及齋
投非敢疎慢卽取罪戾也又接旦平居士一書轉增
慙媿今又讀所示竝佳什字字公美言言天覺可書
座右以砭鄙吝眞良劑也慧往來梁益間十四年於
茲矣絕無一人可語者一旦獲聞所未聞豈非頭上
公所賜邪嵩山荒刹得公之來泉石生光自此始也
此又非我先師翁冥庇何能臻此慧常揣之俱乘願
力而來不然誰肯忘位貌下交於山野之夫也所以
江川黎元獲福南徼草木感化德冠六詔仁及百蠻
使森羅頓然起色者此也慧雖識淺學疎非悅老之

明敏然何懼不能答一百問頭也儼卽晉謁奈土木
之工未竣聊肅荒函代訊起居稍得餘閒方謀接色
笑臨楮不勝神湖

復雞山石鐘慧融主人

自到昆海便有曳杖雞足彈指出定裏頭陀把手論
拈花意旨實非怯螳臂而不能當金根之車輪也不
意諸方削牘同人文章爭先下邀直使報命之不暇
故十四五年來蘊一座祖山在胷中至今尚未了此
一案也忽忽子規在樹石鼠出穴時當春公夏來得
接瑤章金玉作聲珍貝交鏘自念下里庸才巴渝陋

質多慙過譽感激猶淡奈何法社初成難以應命特修寸楮用復高雅外具俚語別申鄙意俟秋月當天促織驚婦或策杖而來對點蒼山接談笑向華首門候頭陀然後次第與諸耆舊作十日談公以爲何如率復不次

復平江法華灃伯和尚

環天下而叢席者自古稱江淵爲禪藪辨才智囊代不乏人况吾祖父發迹之地邪所以能剖佛祖行說不到處實惟有此英哲至於今日爲能淡窮此學使衲子有所矜式者又在我天童老祖與我先師翁五

十年苦心也暨二老人唱滅又得吾江村法伯和尚復振起江左不墜先人宗社此實吾門幸甚聞吾師自廣陵復轉雙塔再與和尚往復笑聚想拍拍是令而二毒鼓聲邊聞而死者又不知幾人也慧獨處寥聞之地加之竦蠻爲伍侏儒接話故此言論鄙拙實媿古人奈何及門者竊錄妄付梓氏敢當不枝詞蔓說以嘉惠後學之譽亦可以并駕當今獅馭也邪皆和尚過美神駿以光下乘耳慧自揣才學俱劣且遠在炎方慮唐突法門罪在不宥倘和尚常頒清誨則慧受賜多矣屢欲自滇黔達楚由楚入吳越買舟過

撰述

董竹禪自序金石錄卷三

臨安登徑山拜埽後再向四明上太白密祖塔頭燒香上供然後晉謁和尚縱觀法席一洗茅塞其如歷年多土木之勤應接之繁所以不能完此公幹是慧終不了之局也江川公雖未謀面然神交久矣今得親接談笑皆和尚遙爲噓植使慧有可語者又皆和尚所賜也梁益涪運其所異同與江淛細大矛盾其間皆不能公寸而主法者更難於蜀道百倍一會應候萬物資成望吳雲而迢遞對櫛火以裁緘媿乏一芹伏惟原宥不備

復鶴慶叢居士

八月朔同二三子談笑鵠齋窗下忽典客報鶴慶書來啓函捧閱見衆居士慮我會省水患兩月兩泛雖無鼈民之苦泣珠之恨而易候之虐人未免嘵饑號寒凅然載道矣嵩山一坐具地賴祖宗之靈殿閣無恙僧衆稍安獨是塊垣數處勞人遮塞而已多煩衆居士深慮遠懷實見師弟之誼非多生夙植不能臻此感佩之私又非筆舌可盡也秋冬之交登雞足後握手鶴慶可拄指日間也水歸大海波濤雖靜雲到蒼梧氣象未必閒也可與至者道公等以爲何如

與劉太史

諱莊自號火居和尚

撰述

碧竹禪前後集卷五

石壁揖別涉螳川登煉象不勝崎嶇勞人也渴想清
誨無翼能飛時對老松古澗怪石奇峰何啻在昆明
與火居和尚之夜話坐樹義坊之談楞嚴邪及抵威
楚小坐垂柳之下微諷所賜佳什又覺神清氣爽不
止百倍也太守馮公不以居方面之尊下交山野之
夫可謂今之濟川則知外護吾宗佛日永賴矣塗中
寄不莊其嵩山常住恃在匡扶爲感

寄省中衆護法檀越

十月七日自省城早發沿路見山山水水及煙村茅
店遠壑頽峰儼若把握清談真不異梁城時也瞬息

冬至矣朔日大雪僕夫勞頓心甚不悅及到雞足自
亦疲倦也初六日上山頂燒香竟卽欲旋杖歸昆明
奈何諸郡護法與諸山知山僧意胥來勉畱因此不
能脫灑矣思念不置裁此專候衆護法想福祉清和
與新禧駢集又非山野管城饒舌能悉佳况矣嵩山
常住伏惟弘護使達來衲子得飽柴水不獨黃面老
人稱讚亦使山野夢寐無驚矣至於令法久住又皆
護法多生願力歷劫聞熏所以有此一段真誠不昧
可謂現將軍身宰官身長者身居士身得度者卽現
此身而爲說法而爲外護實均不負靈山之囑也山

撰述

聖竹禪白翁金華集

野庸鄙得隨處抑揚宗旨或得一箇半箇報佛祖莫大之恩則山野慶幸衆護汝慶幸

寄楚雄參戎李檀越

鹿城握手旅舍談心差勝昆明十分快暢此路逢劍客呈劍之時琴遇知音好彈之候何殊毘耶離談不二之日也兼之掌上香廚室中機辨知門下單刀直入真破萬人敵一血性漢也非乘願力不能及此且令魔子妖狐聞者膽碎頓顯授受之人得行此道豈同傳遞源流寄一信拂侵竊道器者同日而語也苟到雞山雪不十尺不已過三四日始晴眺望諸勝真

如觀掌上事訖將旋緣山中禪德胥畱結冬未獲載行李東歸耳鴻便肅此草函恭俟台祉不備

寄賓川衛使君

客寓報國承枉顧直使桑門生色兼飽之以德山野敢不銘五內邪山中勤舊無不合十稱於左右毒登絕頂兩日便回石鐘竟欲再謁苦爲諸刹勉畱本月二十五日已結禪期矣山野不揣材櫟識庸大辱風化徒恃高明作外護不識得保全始終不也倘不忘付屬之心使慧日長明俾迦葉老人與蒼山洱水並耀則山野慶幸諸刹慶幸亦千古一遇也春暖風和

換述

重刊福昌集卷五

萬花吐藥時旋杖侯門復聆清訓指日可待也臨池
不勝神馳

寄何護法

挂笠賓川得枉駕報國極爲希有之遇兼助信施飽
我雲水稱謝何旣轉眄閒三日旣泰萬卉甲坼矣冰
雪皎而梅芳花雨潤而節至惟居士壽域同陽和並
增道祉齊物色共暉雖藉毛穎多多和和拂劫石數
芥城亦不能較量萬一也山野寧不羨哉不能躬祝
者盍緣諸山勉畱石鐘不獲如意薄具鄙聯用表寸
心侍枉汪度或不適地

答洱海衆護法

到山日雪幾丈矣暨晴明遊覽諸刹雲樓紺殿儼然
別一世界然一生看不足之境况五七日可能盡哉
不過粗得其槩耳待結制石鐘後與諸禪坐論山巖
怪石雪嶂松灣與古今興廢竝洗閱碑碣始知石鐘
乃天寶開元間尉遲公至葉榆之所建也有僧賓易
來將衆護法書展讀之荷蒙遠慰使山野汗甲彌增
矣辱過貴鎮深飮天廚每欲修候以初到此山人事
未聞所以缺典實非疎慢也且山林道阻苦於郵便
僧返貴地聊肅荒函恭惟新禧與百卉競妍道祉同

撰述

重刊元和金石錄

三陽爭耀是慶是賀

寄彭護法

省會別來雲山野店坐賈行商朝雨暮雪鴉樹猿藤無不目睹耳聞及到山中與沿途不異豈不雲月同然也聞檀越駕來賓川幾欲躬俟緣石鐘結制未能別衆出山徑抱此心耳便鴻裁候台禧待新春時花放高枝陽回暖谷山野必策杖金牛而百夫長肩將公署肩十尺地使山野一吐別况不

寄宗人府經歷而足許居士

初晤雲陽卽如舊識別來使人懷想無已古人謂渭

樹江雲之思此眞境也其後護法鶯遷來昆明抑揚祖道藩塹宗猷山野粗安無魔外之撓此皆護法多生願力從果位中來不然何以能如是也客獵威楚擬謁燕居適駕往金齒無緣會面抱歉良深到雞足遊大覺睹滿壁滄洲竝佳什俾人神清氣爽忻賞不已援豪奉和錄寄左右不審郢削何如時聞護法升轉宗人還京都山野不勝慶快想倚青雲捧白日躋蒼生於春臺自此始矣山野不獲道左奉餞遙肅素函土物六種伏惟莞納不備

答衛府祖護阿哥

頌述

勸善神師徒錄卷五

自昆明來沿途無他喜獨是喬松古木山秀水明怡然滿目旣已忘勞不十五六日卽至賓川矣承州牧款渥甚隆皆阿哥遠庇也及到山中儻卽修候奈間關修阻且長實非疎慢自取過咎也忽辱佳章注意山野不勝舞蹈水邊林下全章祖道使無文印遇性慥漢兩手付之實外護之功阿哥真浹門之金湯也

寄會城衆護法

條風徧野瑞草將舒梅雪爭奇陽和溢目衆護法履義軒盛世樂聖代笙歌萬方頌昇平之大有百郡嬉華屋之長春山野亦遙祝新禧遠瞻佳兆天人俱泰

燈月齊輝奈何主席石鐘不能解脫旣無由縮地豈獲躬親惟藉管兄托楮君寄候俟旋昆池又得把握爲快

寄祁鎮臺

山青水綠是昔賢文殊石怪峰奇是目連鴛子居士踢毘盧頂額寧不知是邪所以逢場作戲遇理卽融舒雪嶺之相好演金沙之長舌吐玄機臨宦海豈非風行草偃水到渠成者也易回百谷春控千條道社福祉雙彰世諦眞諦齊顯此又居士多處添些子矣山野擬登轅門一候新禧奈何期會未竟不能自由

撰述

野竹齋師後錄卷五

九

偶得鴻便問訊起居俟杖旋當謀面作三日談不備
寄洱海衆護法

洱城聆清誨得十日歡思方外樂於此爲盛矣別來
山中雨雪漫漫人事惄惄不及修候且聞大師指麗
水矣轉眄間不覺斗柄旋寅易和應律萬物甲坼五
花送溫衆護法福共春增道齊義泰山野亦瞻雪山
秀靄對若水潺湲俗光爲遊戲之樂也無由通候懷
想益淡忽得普上座之便特肅寸言伏惟慧照幸甚甚

答劉粹吾竝衆居士

一瞬數月眞如過隙白駒回思客歲還似昨日寒暑

窘人有如是也新正又五日矣遠承華翰眷注實深
非相知不及此耳到山來寂寞水雪中雖道人本分
然回首昆明則又霄壤矣諸山胥畱勤勤懇懇旣開
爐結冬是不能速返俟期竟自合歸來將遊覽細大
境致細說與二公使不遊而當臥遊也易回律轉節
泰時康惟衆公道况新禧與物華竝秀山野自不多
贅嵩山常住乞百爲鎮定尚容面謝不既

答饒玉章居士

山中無曆寒盡不知那復如此地尋聲逐臭者往來
萬千眞山林城市絕不減一絲豪也承注念山野赫

撰述

野竹禪師後錄卷五

跋遠錫非玉公故人不及此也萬物回春千燈徹夜
道况清和新禧衍泰不待山野托毛楮兩公一問嘉
致也命覓杜鵑山野訪之山中近來諸刹荒蕪此物
絕種卽花草之娛亦非督所有也率復不備

與鶴慶衆居士

雪山蒼山并峙天柱石寶爭長一一領畧得可謂會
盡無情說汰矣論義的論義機鋒的機鋒衆居士以
爲何如承注念之勤信施遠及直作雲水伊蒲開闢
人天茅塞所以山野陞座發揮宗猷實爲南服希有
事也山野雖遠在山林而人事尚亦紛雜不及當時

裁寄想亦可推諒也率復不莊

與嵩山諸子

自離嵩山陸路中穿林入筭崎嶇不能言狀真謂康
降賈子左擔七里矣苦輿夫之力心甚不安况鳥雀
刁怪瘴煙撲人望荒甸牧郊依水樹雲窩或登巖關
度雪嶺或望聚落入旅館此與賈客射利者何異雖
欲求三里亭五里寺安可得哉此唐宋諸老行道不
至之地也今時頗多總之今之妄稱授受之系以汚
祖佛之堂者比比皆是亦難細言也古謂啞芊僧封
狐野干之屬又謂烏鼠僧鼠竊狗偷之徒嗟嗟汰久

撰述

野竹禪師後錄卷五

十一

生弊教壞人家男女信心居士聞此魔風不退息者
幾希即使釋迦再生達麼重至亦難挽回是輩矣所
以老僧抵楚雄宿苴橋間升菴舊蹟故老亦不能言
矣公公未遠卽乃若斯矧先佛在世真風難挽故爾
古剗新院嘗無模範令人感傷不已爾等確守規矩
是真報佛恩不然無益可卜

復洱海衛總戎

自晤對梁益來一紀餘矣弘護祖道眷注雲水惟護
汰枉顧之勤藩塹之固苟能不讓邪舍後不遂楊李直
使風旛無恙真千古一遇也護汰以貴客榮陞元戎

梁州鎖鑰南方千城不以山野無似之夫羽翰頻來
俾雲嶺荒院生色侈矣旣翹首行旌曷勝縣切

與蒼舌知客

遠弟姓楊名國泰

十餘年雖專人省師頗勤終未能釋我懷抱而鬱結
五內非一日也辱二月花朝已束裝躬往藩下護汰
不肖放行故又弗如所願也議專某某皆遜公使我
慙赧亦難再議人也遠監院枉傍見我昏悶遂舉爾
蒼舌老成諳練誠可以行矣然遠以爲萬里閒關何
以爲助乃用胞弟佐往是以星夜赴人上楚雄說其
弟馳郵而至會省則爾蒼舌已先駛也今星驅尾其

撰述

野竹禪師後錄卷五

後可以無憂况此人演之崇佛而尚義者爾蒼舌自合無虞矣

與報國雲夢願孫

師資道合行解相應驅霹靂透閃電已不可枚舉矣寧非父子一堂紀綱千古哉所以能發先人未兆之機規後學已墜之弊惟在住持之人振宗豎綱耳昨省來書竝秉拂汰語知爾爲報國主人益重吾憂何也學道難守道難而行道猶難如領衆有常暗室無媿然後握金剛王是聖揮聖是凡揮凡宗說亦剷眞俗亦剷可謂鎔瓶盆釵釧作一金攬酥酪醍醐爲一

味豈不光大吾宗稍慰研額邪

上蘇州三際寺輒老和尚

久違侍奉哀慕日深非敢以間關修阻裹足不奔奈嵩山院子無一能代守者遂致隔別不能一見面真良苦也去年修啓與香金又未上達轉增寸結比時必欲南來不料雞山敦請要慧主法石鐘再四不能已只得勉應而趨庭之日是又不能如心矣今春拜讀教訓知吾師養子之緣尚不絕於慧也二月至省會張護法歸又得瑤函不惟不切責疏慢之過返又獎譽如此慧何修得吾師愛念不少替真和熊舐犢

之恩終身難忘也滇中光景不似從前雖住此一席實難高枕想吾師自是淡知不待入告自然推亮也

又

八月二十六日王府差官帶家啓及銀物想已到矣不知吾師近體安逸何如慧不得赴萬里奉觀總之院子所羈不得一時擺脫故也滇中汎道慧頗不有玷然非慧自陳其好難逃往來人口也大端來夏必著人來梓雞足之豪竝再住嵩山餘豪此非慧意實出佛源張護汎美事想吾師念慧愚惱自是印可倘能與苅所梓者不背乞吾師斥付梓人若得工完帶

數十本與滇人結般若緣不識吾師以爲何如敢候進止

又

今年二月朔慧謝事嵩山以兜率壑長老主院事卽日裹束衣囊欲歸省覲藩下衆居士相畱且堅卽欲逃來而嵩山新主人未必卽擔得下淡夜籌之行止良難加之江川張護汎亦來阻畱故江川公有書契吾師實欲達慧之心事也但久違函丈罪過日淡知吾師淡念慧愚想亦原之矣沅江王護汎浪聞遷蜀不知果否若有機會必請吾師回川慧始放心也近

撰述

聖竹禪師後錄卷五

正

日人情太澆浮益不似毒日也且杖拂盈衢惡態不堪言良可痛也當此之時只宜煙霞洞裏風雨林中煮沙鑄過日一切不較爲愈也餘不備陳

與文達監院

自到雞山勞苦甚矣且又人事恩冗無一時可靜回思嵩山如在異域卽欲問歸期尚不能說起山中雨雪彌旬寒威不能少遏幸楣拙火猶堪朝暮耳汝在嵩山看守凡事宜小心內外大眾有不如意事汝宜調和使之平妥不可尙性情性情一尚便有許多不如法事此山僧淡以爲憂大都來歲或得謝事卽議

行李便是歸期檀越如有問山僧可將此意達之座元與序上諸人皆不及有字來由不得半晌之間故也卽將此字共目可也餘不多囑

與兜率不磷堅長老

山中雨雪連旬不斷苦人甚矣卽沿途勞苦亦難備敘想吾徒自是高枕兜率不勞山僧遠慮也此時法運方轉豈意偷名竊位之夫往往壞事使大信檀越見此不能無疑所以山僧憂之非一日也卽吾徒亦備常聞山僧之緒論久矣大端邪不勝正此輩自當息滅昨已見數處早成敗類是吾法門尚有幸耳兜

撰述

聖門福印錄卷五

三

率既有錢穀可安大眾是吾徒行道之幸事不可以爲勞苦俟歸嵩山時又得與吾徒說家常閒事餘不
多囑

與銅仁端居嵩石兩和尚

聞兩汰兄在銅仁大震汰化使長松汰燈永照滇黔矣但弟兄十餘年不一面未免渴塵生幾十斛也近日老和尚在吳不知常有信息往來否弟不能一到江南奉覲顏色弟惟罪是恐有日矣如兩汰兄遣人問候當代第一字以達弟意爲感毒端兄錫教弟已如命奉上不識到否如鴻便乞付數字使弟知兩汰

兄近狀臨池不勝神溯

復梅熟和尚

兄書遠至如對面談真快暢矣聞在江南又與老和尚住四五年想一支佛汰西還不使長松門庭冷落於夜郎鄉也毒得本原兄及海月兄相繼而逝弟駭然痛黔南汰運皆賴諸兄一肩擔荷今如此恐從此寥寥耳汰兄旣歸可還舊觀矣弟遣人往蘇候老人安便遣詣座下俟遲當另致賀使兄弟間不致涼薄耳大端長松必要汰兄主持方得無恙今聞梅隱諸兄皆不欲住持倘皆推諉不肩一肩擔當其任不在

撰述

汝兄其誰爲之宜思之可也臨書不盡欲言

與平越圓覺誠明符姪禪師

有人來報吾海月和尚示寂於平越之圓覺菴使余
吞聲痛恨不已黔州汝道皆賴爾師與爾父行輩流
通今聞爾師如此豈不長松脚下已自無振起於平
越矣余以遠在昆明不能來奠及慰吾姪一暢吾梗
塞奈嵩山無人代守是以屢舉屢止耳然吾姪天資
既高加以誠實當一切時力行只履踐到古人田地
方慰爾師於寂光土中亦是吾姪大孝也近來汝門
雖盛總之濫觴甚矣想吾姪自是高明必不負爾師

所囑倘有便人乞寄一音爲感

遊雞山記

十年十月二十八日至賓川使君衛公館余城東上
帝閣從近雲樓望孟獲砦雖巖石鎔落雲樹翁鬱而
壽古策畫雄風尚存暨尋諸葛武侯祠已在堦垣殘
瓦古柏荒臺中矣惟若水金沙可掬蠻煙漁火相照
而已顧橙橘則帶霜而黃俯血草則連暮而憎晚嵐
靄靄若動若止雪山峨峨似斷似續回首望壽峰則
日已在崦嵫下矣就宿報國寺中明日早發自金牛

撰述

過練洞夾道松筠而蘿薜亦可人意速度百節橋入拈花寺則又鼓鐘送晚矣輿馬亦自倦也主人張燈喚湯濯足飲食畢忽六花庭墜一鶴夢沈石壁蕭蕭佛火耿耿微諷自古關山隔從來客友長乃與主人分寢矣旣見曙色遙映雪光起促侍僧辭主人蹋雪就道則又婁然林木不可言狀矣至河子孔如洗心橋而寒不可忍望沙址村近和尚莊十指如椎呵亦不曲是日諸院耆艾候余道左畧敘主賓於土主祠初展寒溫禮也已而輿馬復進人亦叢雜雖寒色亦可少逭不覺已過大士閣矣石鐘坡望瀑布若玉龍

下自銀河塵心俱盡杳杳然入扳松之境也上葢孟山隱隱濃濃望嶺巖則雲鶴爭飛松韻齊落而谿回峰簇間石鐘已在睂睫矣入三門登佛殿古制巍峩使人弗敢仰視眞佛華世界也都人士與戒德禪流禮接遜讓色色可人旣坐啜湯果縱談疇簪愛慕之懷今日始得一遂所欲洵足樂也然後主人拂榻知余倦欲睡也雖少就寢奈何玉墜銀鋪峰巒不可識而林木亦自無顏惟樓殿羅列儼然在一銀色世界中也是灰微有不快閱初三日早起望樓殿有旭色來映紗窗少閒大晴矣乃喚輿夫約宿衲命侍僧整

撰述

垂裕福印集卷五

理道具藜杖茶鎗翛然就道則喜入眉宇也而參鎗
銀樹黯淡藤葩尚自令人眸子回巒深處梵宇連甍
有金玉書皆名人墨蹟他如茅屋幽僻苔砌曲折梅
竹滿塢雪毫在定未暇悉數而記也日在禺中始到
迦葉殿登階舍采畢出眺遠近峰壑若吐若吞真令
人一時領畧不及也西行半里卽楊輔玄天兩洞四
壁皆有名人墨蹟袈裟石亦有題賦俯瞰胡猢梯而
手攀足蹋者自遠視之若畫軸然此最佳景也憩小
壘石上喫茶數杯方及絕頂頂上有小石城雖女媧
零落而金殿無恙至此始得遠眺名勝東南則雪山

羅川金沙若水西北則點蒼洱海玉關金齒西南則
九頂賓易諸葛營皆歷歷可數其餘近則若峰之聳
石之墜種種靈奇刁怪一時難盡筆端遠則如玉柱
插天銀山入地西望瑤池與峩眉東望匡廬與嶽麓
絕肖一幅輿圖轉描轉奇也入文殊洞慶喜室古碑
雖存而字畫苔食過半是以廚荒僧殘僅得其槩到
放光處觀舍身巖石鋸削不敢俯視從此太子子
洞曹溪水虎跳澗不遠矣攀蘿直上華首門在是卽
畢蓋羅窟也縣巖萬仞飛壁千尋扣石作聲與磬無
異弱泉洗目而翳可除靈禽依人主人延坐如在閨

撰述

釋名卷五

風顛矣時也雪風聒耳暮日沈澗急別主人歸到迦葉殿已黃昏也是夜宿看雪樓星月繞檐松風入榻覺古佛世界入我奚囊也明日遂歸石鐘至初六日啓明旣沒庭旭方升飯食竟步自羅漢壁巖縣天際泉落峰閒百尺枯樹倒挂女蘿一塢蒼藤猶凝殘雪曲徑旣幽澗松亦古入碧雲寺過可空菴皆有姜公思睿遺迹塔砌雖荒而寂歷之狀猶使人道心生也敢云歎息而太邪出外遠顧林杉幽密梵宮深杳則又不復知天大也公念佛堂而犬吠雪籬鐘傳冰壑一縱目間又別是一世界也主人近微出接庭外須

髮雖白風儀可觀賦詩一章以志獅子林有念佛法席耳是日風色稍暝乃促筭與晉謁諸刹由悉檀寺寂光寺轉傳衣寺華嚴大覺等寺或品題泉味坐數花須或題詠亭榭揮毫石壁或與老僧相視而笑汲澗而烹真樂亦無窮也問之耆宿則靜室百有七十今所存者纔十一耳八大名藍唯大覺與石鐘可稱首焉至若山中龍象或凌雲高志或懷度世英姿與夫山形水勢地傑人靈又自有大儒君子載之典籍舊矣奚庸再贅今所筆者不過大畧以俟他日回昆明有知已者問山靈雅致卽舉以似之以當坐遊云

撰述

野竹禪師後錄卷五

耳

天山研水尋山處
首憑至苦山中取
今復齊齊縣十二耳八太公龍王天授與百華西
聞而憲良樂未無難出祖之音皆堪聽空山子
非深海戰勝李開泰海云海返與夫曾雨所
知米老朝吟麥青曉張大隱寺空更揚揚不覺身
紙上是日風雨聲興亡事可見吾君
興亡白風於可謂風清一草以去

益州嵩山野竹禪師後錄卷六

楚雄門人宗端編

歷代祖圖真贊

始祖釋迦牟尼佛

王宮非不貴
愛彼雪嶺月可惜
爛冬瓜雜此乾矢橛
曹山說不如
濟北何曾別
洞水旣逆流
一翳著不得
遙指殿裏的笑
殺稱麻伯
引起嶺南翁
一棒要打殺
打得殺八萬四
千非鳳毛三十三
人入虎穴

第一世摩訶迦葉尊者

黃金可鍛不知寶色完全素琴作舞何曾響在耳邊

撰述

唐宋元明後金卷六

多子塔上無端分座拈華座下忽爾破顏及至親問
金欄外卻道門旃倒刹竿

第二世阿難陀尊者

持盃真七佛儀式見鞭實千金駿才後來一呼便應
方笑空打野樞畢益羅窟鴻業十方世界華開殼伽
水闊二王悲哀中流迅急衆僊天來莫云終古秋江
月不逐漁人下釣臺

第三世商那和修尊者

如來縣記已張錦斧六年出胎實符斯識自然服受
氏九枝草作姓優茶林脩鱗歸命龍奮迅翹多得定

三歸施地建梵宮百億河山入海印

第四世優婆瓈多尊者

我年十七師心非白從此得之五天取則波旬既伏
三屍乃格籌室可盈聖論難測香眾無我我法印歸
有德往復十八變虛空籌焚設利營卯塔

第五世提多迦尊者

山頂泉涌金日出屋入道之相無幽不燭出家非爲
身心兩語何其敏速遇同學當示無庸八千人一時
攝伏跏趺本座歸公來十八神變是何物

第六世彌遮迦尊者

標述

圓鏡記卷之二

雖記梵天支離六劫窄路相逢兩兩饒舌舍彼邪徑
悟此明月金色雲生知有聖哲頓使置器側立時家
邦從此得安貼

第七世婆須蜜尊者

我獻寶座佛卽記我釋迦浹中華開七朵執酒器兮
師空識呈本姓兮頗羅墮智者來兮論義甘露漏兮
得果示等虛空道大光腳下兒孫有幾箇

第八世佛陀難提尊者

頂有肉髻辨捷無礙神其無方大功不宰道兮萬世
師德兮盈江海白光騰兮遙識至人口無言兮真是

吾鼐得來明月掌中觀塵刹清暉無不在

第九世伏馱密多尊者

父母非親諸佛非道不履不言至人大寶行七步雲
月同發希聲非潦草有來瞻禮骨相非常七涌舍利
光燭瑩竚平生家業盡與伊萬世傳之功浩浩

第十世脇尊者

夢叶白象光瑩明珠兆生聖人百世之模脇不至席
大道乃符功旣偉矣德亦可孚馮君莫話封侯事一
將功成萬骨枯

第十一世富那夜舍尊者

瞿曇種姓眞體純粹一聞至言心明聖智木義踞義
兮五百澤彼得果得記兮真嗣乃遂跨鐵騎絕位次
迴迴孤光一道明巖巖旁磚黃金地

第十二世馬鳴大士

王身不惜以衣襯者是有縣記六百歲也作無作兮
功勝德不德兮呼馬有魔來風雨下旣攝伏淚盈把
示性海表道舍結舌之辭似縣河箭鋒相柱如併瀉
背懺悔兮名通性海自今波浪闊一條紅綫繫飛龍
未入虎穴先示魔宮震動山岳終乃小蟲聽法兮禮

第十三世迦毗摩羅尊者

第十四世龍樹尊者
大樹蔭覆聖師能來心雖自語其聲若雷白月開霧
照此巖臺誦四韋陀兮雄辨善知衆藝兮恢諸筆智
度兮衆流旣匯現佛性兮福業可摧功存萬世流甘
露從此天人結聖胎

第十五世迦那提婆尊者

第十六世羅睺羅多尊者
晉躍龍門盜水清灝一鍼投入解路全埽辨體相無
相兮汰眼圓明受聖記無記兮月輪光皓赤旛之下
盡歸降銀盜盛雪日方果

解極無我辨誰奔後是聖是凡齊入祖殼金水一味
今浮浮佛影溯流直上兮兩兩相邇杓柄從今把與
人築著來時師子咼

第十七世僧伽難提尊者

莊嚴世適心存霞舉天光下垂路何脩阻在井出井
兮腹笥便便彼義此義兮微言楚楚繼祖位兮石窟
我心鳴兮才諦可憐太國萬古霜利多師風吹幾許

第十八世伽邪舍多尊者

紫雲如益冰鑒何埃童顏百歲凌了無猜風鈴鳴兮
不住我意宋兮心開有異氣兮將入是佛子兮歸來

大家共奏無生曲明明鐵鋸舞三臺

第十九世鳩摩羅多尊者

應斯嘉運餘有千年荅無者誰開門相延得汰眼兮
敏捷化愚俗兮纏縣禍福相倚兮縈結靈宗不關兮
翛然斜抱雲和深夜月清音流得到錦川

第二十世闍夜多尊者

感發宿緣智慧淵冲得汰眼淨萬彙皆空至羅閱兮
揚頓教抑辨慧兮小大雄發無窮智兮徧行已絕熱
惱兮溫風安知千百年來事如今原委到震東

第二十一世婆修盤頭尊者

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

清淨無欲一食不臥禮光度師長年打坐久植德兮
感毗婆以結壇將得果兮聞夜多以無作那提有道
繼祖鐙千斤擔子許擔荷

第二十二世摩拏羅尊者
生來尊貴神力自多惡象爲害撲之如蛾無礙兮全
非今古化鶴兮太絕納羅隨流認性無憂喜一任春
楊拂細波

第二十三世鶴勒那尊者

禱佛金幢持環來只誕兩天華香風四起太淫祀兮
義正可馮誦般若兮鶴眾爰止示無作兮心開見虹

第二十四世師子尊者

貫兮嬰爾慈風遠扇釋焦枯慧日高懸終不已

說無作功始醒大夢雖示虹識其心不動遊罽賓兮
慧辨小乘可還珠兮手開疾貢翩翩別去向南天萬
里雲中看威鳳

第二十五世婆舍斯多尊者

神劍叶明珠在手正說知見推門落日抵中印兮
默論可破隱南天兮任重敢苟哀哲人之難兮心傷
繼先聖之譜兮陽九一縷絲重過千斤始得今朝師
子啞

撰述

聖竹禪師後金卷之

左

第二十六世不如蜜多尊者

智慧天至德性實良當爲佛事聖道斯張王宮受具
今地震汰眼圓淨今道光海印從今歸勢至真乘代
代繼流芳

第二十七世般若多羅尊者

厥來閻里瓊瑤名章與汝同姓弓矢斯張憶往事今
經聲在耳開來許今示我周行一棚錦繡付王子聖
諦南來辨蕭梁

第二十八世菩提達摩尊者

珠光可辨慧性天從同學信表化歸道統航海鹵來

梁王引領蘆葦北度香山繼踵一華開兮翻異見稠
林五葉茂兮化神州愚惱歸太來兮歸太來慈風浩
浩送春雷

第二十九世慧可大師

聲飛伊洛發爲名言孔老不足嵩少日瞰立雪不獲
兮斷臂將心來安兮消魂皮膚分兮三拜風恙除兮
道存誰知鴻業歸華夏心血枯兮是幾番

第三十世僧粲大師

姓字不畱汰藏可傳風恙何起如其心然內外兮猶
帶瓦礫脫澗兮焉滯跋峩誰縛兮一言可脫衣授兮

撰述

聖竹禪師行錄卷之

七

道鯢永年請看皖伯峰頭月一片清輝白帝邊

第三十一世道信大師

新春發祥聞道齡艱縛脫雙離高提海印脇不至席
今可師骨相稱奇今韞瑾天書三降今不起法眼五
傳今得贍波瀾從此滄冥深辟歷一聲天下震

第三十二世弘忍大師

松栽雲嶂眉豪如霜脫有聞道焉及遐荒掠起便行
今水遇童女冀一投宿今諾惟父行隨乞活命非異
非常七相不逮可荅可黃長廊采壁才書偈衣益南
歸日月長

第三十三世慧能大師

經聞客誦偈情人書贏得一盜久未寧居偶論風幡
危言侃侃得歸南華宗社渠渠階級不立今蘭蕙一
物不中今番興昌昌兩桂香寰宇漫道冰枯便不如

第三十四世南岳叡讓和尚

安康瑞應白氣皇皇縣記在躬駿奔邦那磨輒可起
禪坐天澤能潤道光名震天下月淨湖湘每向祝融
峰頂望滔滔白浪涌衡陽

第三十五世馬祖道一和尚

一室燕坐徒自苦辛車兮牛兮乃得天真年來不少

鹽醬心事何必重陳牛行虎視象蹋師呻舌過鼻足
雙輪南岳嶺頭松自碧祝融萬古峙嶙峋

第三十六世百丈襄海和尚

鼻痛耳聾爲定宗旨挂拂豎拂無風浪起撥野狐如
空合空接斷際似水投水作爲繩墨以東藏否四海
汪洋龍象仰止師王奮迅獸羣空百世雄飛自在是

第三十七世黃檗希運和尚

鐵額隆起晃晃明珠大雄山下親捋虎須表歸宗而
抑嬾融批龍顏而召大夫不道無師狂禪懼已訶喧
槽漢叢席無虞蒿支拂打白拈賊浪浪滹沱接海隅

第三十八世臨濟義玄和尚

嵩支三頓鐵拳兩揮看風顛漢弄陷虎機綱宗七事
智沒重圍活蘿火葬於栽松之日辨魔東異於燕京
之畿赤肉圍絕是非滅卻瞎驢正汰眼四方八面看
全威

第三十九世興化存獎和尚

毒中先師冤伸老覺酬君王之寶價辨文德之玉璞
珠襟紫羅帳庭翔丹山鷲勘同參眼卓朔趁克賓誰
顛撲雲居多載未消疑一喝猶能撼五岳

第四十世南院慧顆和尚

岳降河北道化汝南張大臨濟赤肉團邊不合落草
繼武興化紫羅帳裏何用高談作家不啐啄達者誰
再三截來兔角千鈞重且道如今誰荷擔

第四十一世風穴延沼和尚

識憂似續理辨離微箭穿楊葉鵬落秋暉一切方埽
卻狀似鐵牛機立不立非不非當年孤峻誰人竝惟
有郢陽春色肥

第四十二世首山省念和尚

放下平穩動容自豪新婦騎驢拙郎調高龍袖拂開
全收草賊象王回顧可釣巨鱉宋子來時呈面目誰

云近日乞題餠

第四十三世汾陽善昭和尚

身命放下敏捷有幾濟道大成光華煥煥根性或殊
不遺葑菲金錫光搖六人奉重雪曲玉振十智詞偉
一粒秔米而喫者無喜無嗔半陌紙錢而送出閒神
野鬼稽首真師起太原至今河岳浮春暉

第四十四世石霜楚圓和尚

厓柴長笑龍象蹴行河洛價重湖湘掩荆服唐明之
辨咤神鼎之驚芝泉爲之伯仲楊李而作弟兄貶諸
方之袤謬汗書記之聲名足下兒孫分兩路滹沱月

色倍常明

第四十五世楊岐方會和尚

兒孫徧地監寺休限魔佛盈衢努力擇棟斃殺蛇
頭揭開正法眼三腳驢慣踢人四料揀暗修棧栗棘
金圈擦下來衲僧近日誰擔板

第四十六世白雲守端和尚

誦茶陵偈看笑裏刀一籌不及多鳴徒勞當其聲駭
廬阜後世可則自餘色斥功甫今日尤豪接得東山
揮白汗摩尼珠上動金豪

第四十七世五祖汰演和尚

不拜扇字便辭錦里會盡古今一則難擬謁彼遠公
探吾宗旨中書堂何所以下載清風而已矣扶宗忤
逆雷爲人推落水褰衣旋磨唱巴歌琉璃禪子何爲
耳

第四十八世昭覺克勤和尚

一場熱病稍間卽歸一聲雞唱不覺神飛血濺梵天
總之死中得活眉間挂劍原來竭世樞機碧巖集翻
爲落草小艷詩終備玄微天子非常賜顏色至今錦
里雨華肥

第四十九世虎丘紹隆和尚

撰述

聖門和尚金集

想醉生液終非涼腑太而之他飽餐汰乳露胸於湛
堂之芽南蠻呼歟心之祖開聖和州誠行誠伍章教
平江循規循矩布慈雲澍甘雨是謂東山之嫡骨孫
圓悟之瞌睡虎

第五十世天童曇華和尚

大洪染指未暢身心旣炙昭覺章教可尋汰語來妙
喜之偈正宗歸太白之岑駕鐵船浮山頭白浪剔慧
鐙明室裏青會佛魔埽朝野欽萬里風生太古音

第五十一世天童咸傑和尚

匡廬迢遙來入鄭舍明果菴頭萬事放下破沙盆玲

玲瓏末後句蕭蕭涌湧三十年看迷時悟時的二
千歲笑縣羊賣狗者龍顏屢顧更語少假骨蘊中峰
光搖四野雕戈可罷狼烟平萬里真風如可把

第五十二世臥龍祖先和尚

緣老拳下初動干戈一公室中漢語何多方丈裏有
客可謂奔流度刃頂門上擢瞎可謂明逾玉珂摩尼
隨色春日溫和赤手提來三尺劒鋸鋒誰道更須磨
第五十三世徑山師範和尚

成都老堯首放舌光佛照索劒拓出青霜肚餓要飯
喫此語何琅琅胡孫不用捉如水自湯湯神人偉衣

換述

卷之二十一

三

冠把茆奉師旁
樵衣領大內
汰鼓震朝堂
萬年正續
蘊金骨圓照墮頭正流芳

第五十四世仰山祖欽和尚

鐵櫃易摧天目少假向上之談
固疾難瀉百鍊鑪中出來
直是新鮮一株柏上開眸淚盈如把龍興初試
刀大仰固宗社千椎鐘發送凌霄一莖草苦琉璃瓦

第五十五世高峰原妙和尚

密印故家淨慈危坐狗舐油鑑無字敲破忽然推落
枕子遠客還故鄉不覺畫出貓兒階蟲何敢過佛來
祖來劈面便唾鏡水湖山任往還眉毫觸碎須彌座

第五十六世中峰明本和尚

開公復來錢塘水綠梵唄未忘忽閱燈錄生以不生
心心致疑流復泉流悅然別曲但度竹篦子此言何
太毒風行草偃師踢象蹴二虎之下不容蹠兩刃之間
不容足大元帝奉爲國師十四葉而許慧續

第五十七世千岳元長和尚

誕膺蕭山鞠於嫂氏脫白父行母敢或否習學靈芝
念佛是課不作餒雞鵲聲得旨鼠食貓飯今失卻益
孟披襟待旦兮質師無詭眉毛畱得挂珊瑚道風凜
凜何終始

第五十八世萬峰時蔚和尚

光射樂清儒釋竝暉見僧轍喜昇公是歸虎跑三不是達蓬半年非止巖無見許住山今陷斧伏龍圓相復又手今破圍鄧蔚山頭秋夜月年年常向太湖飛

第五十九世寶藏普持和尚

窟中師子威肅萬里繼席聖恩天人之軌喝起滹沱市市之波卷舒光福堂堂之旨爺口親宣鐙焰發慈一十一傳至嵩山洪波浩浩巴江裏

第六十世東明慧岳和尚

丹陽故家問道雲間染指松公汰印未安果林老子

鍼芥相歡及見持祖大海波瀾心智不是今兩絕朝昏發憤今忘餐一拳打破天機牒手握靈蛇佛魔寒

第六十一世海舟永慈和尚

成都余氏師所寄焉大隨故家獨照月捐菴於岷嶺一坐八年見太初今發藥謁無際今深研出峽參學幾盡霜雪於諸老重登古道三掌面門於關毒寄金縷與汎眼偈續正傳以振東山翼善寺中雙增在金陵從此月初圓

第六十二世寶峰智瑄和尚

吳江生范氏梓業亦何巧一朝建壽藏斧斤斫膚撓

索醞聞責詞謝過求刻草執爨常負棘兮起疑燎眉以豁然兮得道殺活拈來總現成天下叢林鬧浩浩

第六十三世天奇本瑞和尚

行商潁州偶狀世相徒步荆門當仁不讓能公舌頭有毒係寧誰字返障婆子喚豬兮哪哪全老作偈兮上上一朝識得東山機三尺莫邪勘龍象

第六十四世無聞明聰和尚

病僧告宿掌上明珠來歸宗社精進學途深究惟識此理何如了物非物兮忘念於心無心兮智符華山高突太行聾報爾叢林休塗糊

第六十五世月心德寶和尚

不重武弁緇衣是空頭目可舍智道焉知隨禮能公得事僧儀走關嶺兮得體訪大覺兮解詞一朝掩口兮止止兩地歸宗兮隨隨幾番紅了幾番黑拾得梨華第一枝

第六十六世龍池正傳和尚

父母未生聞之愈傷鐙華輝暴毛孔舒光始知古人示有多方北走燕京今求爲印可直通所得兮萬象回翔臨行一笠都益覆魔子爭教亂度量

第六十七世天童圓悟和尚

踢倒銅棺頂捉得玉麒麟一段傷心事將舉似何人
首倡金粟走殺衲僧攜歸太白一洗烟塵如今四海
清如鏡萬紫千紅總是春

第六十八世浮石通賢和尚
當湖如鏡生此至人有出世志無金紫心禮雲棲而
納戒走雲門以問津逢金粟兮示南熏之旨極真切
今得西來之春接得長松克家子衣盜繩繩付子孫
第六十九世山暉完璧和尚

夢彼明月侯氏掌珠鬚染寶峰身放當湖知師資有
據真法印合符道重荆楚室中之子惟慧旣拙名冠

吳越江左之席惟師中孚繼川勤之獨步大演祖之
規模不識當年趙相國重來亂世胡爲乎

橋陳如尊者

鹿苑得解雞園悟音十方國土誰淺誰深寂寂僧堂
燕坐明明百草橫身玉樓月上如雪金磬晴敲絕塵
總之血盡澌無盡誰是人間八百春

千歲寶掌和尚

降神中印威烈建卯生來握拳七歲展又歌動百神
泣世住千齡少魏晉來華夏建業尋僧肇洗盜青猿
下奉書白犬俗臨行囑慧雲不拒浮長老鐵骨環黃

金秦望蘿清灝有唐顯慶年吾師歸矣了

寶誌公和尚

院山之上石頭之下翦刀鐵鏡隨身蕭洒十二面觀音僧絲莫能寫拈香與擇火此語何爲者京都鄴都境上看一燭梁園寒照野

天台智者大師

金地召手石頭點首靜夜思量信爲益友是真精進此意誰有獲旋陀羅今錯綜開皇降書今德厚夢叶良宵國清實偶汰身無爲語自真莫教五湖笑破口

寒山大師

貌古形枯象行師視費卻國清鹽薈撈得鍋底查滓
叫蒼蒼今大乘指賦賦今遂祕春來秋去天台山若
問吾師祇者是拾得大師放下茗帚幾聲冷笑又手卓立一色難肖那事如何
相頭買帽杖批伽藍寺主夢告豐干饒舌閻丘又到
好好年年霜月常皎皎

明州布袋和尚

終日笑面底事如何一箇布袋就地挖街頭等箇人
鐵鵠過新羅不惜爲君解依然自儂懶天上天下無

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

位次嵩山寺裏靜打坐

佛圖澄禪師

遠自西國來石趙畏如神腋下師有竅夜望如鎧明
禍福旣不爽遊戲委宸庭如今面目儼然在莫看眉
豪帶雪淡

東林惠遠禪師

遙憶香鑪峰華雨潤幾重長揖雁門雪深栽白社松
水春六時之蓮葉聲傳半夜之疎鐘開東方淨土之
始祖樹西國銀臺之神工靈運有才不得入淵明無
意卻相從

永嘉真覺禪師

一宿曹谿返太速南方不是安身處回來那怕語聲
高伎妙禪和休亂卜

南山宣律大師

集毗尼藏敘賓主詞張南山之汰綱修西國之真規
心淨則白月高也道重則緇衣何之四方招提同日

月三千衲子作威儀

圭峰宗密禪師

理極玄奧事通本始如來汰藏非師則已禪源諸詮
圓頓得旨豈比夫空守癡禪之默并孰乎尋文狂慧

之否朗然一月縣中天四海蕩平無魔子

唐一行禪師

鉅鹿美人誰癡誰黠有老成風得普宗拔徵士盧鴻
怪其穎脫會易識書尤得深察中官稽首玄宗降輶
社稷終吉新豐奏札聲鐘告宋山谷壘砦師今何歸
二九十八

康居尊者

至人風度來涌甘露杜順仰師則天欽慕號金師子
皇情眷注梵侶所馮朝貴相取華嚴法界惟師蜜布
更有一般清趣在舉著令人生怕怖

國一欽禪師

逢徑則止臨安高岡威儀挺特道感君王龍王施地
魔梵歸降馬師馳書一點何妨清風來何極萬古露
堂堂

青原思禪師

聖論不爲已露囊錐落何階級誰痛誰悲青原山黯
黯澹澹曹谿路參參差差與鋗斧子鈍置者斲猶帶
瓦礫疑殺阿誰盧陵米價傳千古只是時人總不知

三藏玄奘法師

天中劇談良駒出廢揚鑣帝城道重中聾誓往天竺

詣闕直首既至熾煌淹留高昌郵驛諸國登跡渺茫
雪山千仞鐵門遐荒殲伽委命化賊感商五天咸服
六合清涼法藏來洛盛業皇皇溫敕幾降車駕翱翔
四生仰賴九有蒙光爲法忘軀鴻業在恩波洋溢滿
大唐

南泉普願禪師

池陽秋色萬古充塞指牡丹今大夫莫測道平常今
東院點肋豎起鐮刀今草賊斬卻貓兒今濺血隨分
納些些橫身臥荆棘十八便解作活計狸奴白殺識
不得

趙州從諗禪師

孟冬嚴寒言端語端廓然蕩豁會者猶難悔悔竊乘
偷騎止止暗騙明謾對大王無力下榻勘婆子有毒
誰餐稽首燕然真古佛衲僧千古仰波瀾

巖頭僞禪師

跨門便喝箭鋒新筭擡捺商量將鹽止渴密啟其意
今就中毒深尋常不同今長天一鶚手裏蘭橈全彰
縱奪莫莫是謂之彌天之惡

雪峰存禪師

證道鰲山肉癩皮頑有時如桶底脫有時似春色闌

望州亭烏石嶺不錯僧堂毒末後句何關大地撮來
如粟粒珊瑚枕上淚痕斑

雪竇顯禪師

智門既得四明浪汎道大德備終古不息細細扣諸
方玄機訛可測莫待曉風吹桃華生紅色賊賊清風
淅淅萬億國

鴻山祐禪師

肋上書字古古怪怪放身倒臥歷歷明明密室商量
疑殺後生楚水荆山月皎風清自從拾得火柴後淨
餅踢倒誰敢輕

仰山宗禪師

是誰在井可發深省自性宗通師承須秉得地得名
奪人奪境劒刃動寒光插鍬秋星耿小釋迦打四藤
條記風穴年深月遠九十七箇應自知天邊月色寒
照影

洞山介禪師

無眼耳鼻舌打刀須是賓州鐵侍有伴卽來填井還
他擔來雪無情不思議過水便喫跌橫抽寶劒接人
天五位君臣天下則

曹山宗禪師

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

聖教禪語卷之六

好箇三種墮端的四禁語覲井覲驢何彼何此敲住
敲破誰生誰死好顛酒孝滿已若問而今是阿誰石
頭土塊與瓦子

雲門偃禪師

推門拶卻腳何曾失便空黃面渾子鈍置多時一字
關如繫辭棒釋迦似小兒胡餅有汁屬橛無疑對一
說倒一說靈樹之碑字無畫

汰眼益禪師

在長慶今得休且休過地藏兮看樓打樓最親切兮
石頭指頭折子方今鐵矛兜矛指凳子頌唯心聲優
理優答慧趙感李王橋流水流如今冷落清涼寺阿
誰掌過度人舟

大慧杲禪師

參湛堂禪發杜撰機訪無盡於荆南筆尖上得銘詞
見川勤於天寧熏風裏入無爲斥默照握竹篦大根
大器萬世師

永明壽禪師

總角之歲冠不如葷七行俱下持此蓮經羣羊跪聽
般若緣深文穆憫師許以爲僧入定鳥如尺鶲巢衣
襠之不驚門庭湖水日照明生宗鏡千門通一路如

何叟太外頭尋

達觀紫柏大師

處澆漓世扇象季風開人天徑降毒海龍宏汰雖離
難如處三禪宮草木都來感師德年年杲日縣太空
大舉慈山清大師

叢林師表賢首嘉胤講論之餘卽入禪定惟道是責
誰管逆順注述汗牛衝棟名高帝王加敬砥柱狂瀾
總謂之光吞海印

蓮池宏大師

裁烈火紅蓮桂苦海風蓬經綸汰藏於指掌著作文

章於大同主淨業以望重持木叉而高風十聲佛號
歸安養七筆勾銷事事融

雪嶠信禪師

古雲門三字了得主人公無隔宿語有刺人鋒塗毒
鼓器盡英雄喫枯茶脫太從容天王欲詔何由得卯
墮春雲鎖碧空

破山明禪師

雲門牢籠不住惡聲四海遠布眉橫秋月胸藏武庫
扣金粟兮涌甘雨臥高梁兮捉白兔剔錦江不夜之
燈裁大地無根之樹裁荆棘之刺茫茫狼烟之狂霖

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

檢述

烏乎惟師之德與日月而彌固

天童悟老人

濟北鎖鑰楊岐木鐸師表萬世人天開鑿萬里南來
道樹天末醉祖堂中展挂時天龍八部皆依泊

嵩山監院請

髮白千莖眼空十方坐斷五湖把定三江玄要旨設
烏用鋪張不肖孫慧紹繼末光清暉皓皓在此南堂

雞山大眾請

浮石老人

吳江古寺繞湖波倒駕鐵航髮已皤獨許長松一片

月萬年光照九霄多

堅長老請

有驚人句無隔宿語一味骨硬誰肯遜理起臨濟宗
得太白鬚被山暉老人規住咽喉依然落在他手掌
裏如今挖窖淡蘿始得天龍歡喜

文遠侍者請

橫抽寶劍迹遜草賊洗清乾坤光暉日月價重江淮
令行吳越萬里雲南爲航爲筏畢窟虯放過一著

雞山大眾請

山暉老人

老師在黔南小子侍於左不聞有一字相逢只慘懥
今日在吳越爲人重打鎖高沙信息通一紙遙示我

撰述

聖僧師徒金光

卷一

堅長老可會麼是吾之師汝之祖只要汝識得則箇
堅長老請

者箇老阿師黔南不得住一身向吳江省覲盡生怖
雙墮閑明月楊州題柳樹福海集人天不肖未親附
今日書此贊家私盡露布嵩山監院請

老和尚入異類非三頭肖六臂釋迦彌勒是他奴人
天欲毒無所諱力斥德山口訶臨濟謂是天童之真
孫實乃報恩之嫡裔你道是何人直年候太歲不易
長老請

袖裏著金椎掌上輪北斗無刹不見身問爾知得不

道振五湖德被萬有燕額虎須驢腳佛手海印三昧
天長地久汝焚兜樓故我稽首雞山大眾請

印文禪師

眉豪如雪臘高德重久遜山林嬾隨海眾有規有則
非靜非動卽佛卽心是幻是夢印水復印泥以上皆
實供末後一段光倩誰相鼓弄非余強措詞贊此丹
山鳳

石鐘者宿普足字德周八十二徒廣叡請贊

雞山開士維此德周髫年鬚染二十南遊走徧吳越
築著指頭理媿無言默契有由詩高齊已學越貫休

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

四十年石鐘住持八十歲雞足寡儕鶴慶名儒高氏
之遠裔迦葉的灰祖山之壽修二十

百韻詩成普度空藏圓人十三

山風

寶珠木劔一塊米青鑿耳鍔平余齒齒齧贊也氏
我無非禪語懶明心是已是蒙福小貧朝猶以土器
皆棄吸盡難高廣重入獵山林誠謝我唇亦號亦聞

白文書軸

大是賤人文文史書姑弄首筆山大君清

益州嵩山野竹禪師後錄卷七

梁州門人宗釗編

雜偈

示微元張居士

道無兩塗事非一向孰聖孰凡何順何障月印幽潭
雲生東山可明可暗把火自看

示微麗黃道婆

知是插釵何貴掩門拋梭起舞芝苗蘭蓀佛理祖禪
不別是說照世一珠惟此明月

示微淵劉居士

聽此瓦礫理事無礙秋江月明誰成誰壞得大乘宗
是非一如酒樓肉案道在屠沽

示徹海梅居士

示汝五性有斯妙旨鳥語松聲充塞其耳得是返聞
同歸一心一心之要非淺非淡

示宗冰李居士

少室無禪毘邪無說打鎖敲枷解粘袴縛道曰強名
修證亦非大塊若粒何處著錐

示徹海劉居士

欲透樊籠請益禪學垂足示之煙水漠漠踢上晴峰

其見邈然勤而行之汝勿忽焉

示徹雪廖居士

春草池塘簞田農畝啾啾莎雞轉面芻狗松間夢鶴
野外雲津同是秋月皎皎無塵

示宗旨楊居士

苟無取舍非道而何智者通局癡子守柯以此論心
不失其旨煩惱真如不二而已

示徹達王居士

心狂尋常其理甚顯井蛇齧鼠此喻莫緩論心論性
胡尾胡頭得是真精可以隨流

示徹義黃居士

涉塵沙劫耀空之電絕理事機驅暑之扇嗟爾春禽
關關竹閒我觀佛理非有兩端

示徹旨王居士

知我彈指乃得厥旨透祖師關覆掌而已危險之訶
發自鳥窠不立賓主智是仙陀

示徹玄李居士

一心不生萬汰無咎我觀智人本非先後坐無畏牀
鼓此宮商擿下拂子是賊是贓

示徹教李居士

佛無虛語教有明言治生產業入理之原是汰非汰
一一奚守如彼太虛爲誰點首

示虛碧李居士

戀此桑田沙黏壁畫可易可難終歸一壞手舉須彌
輕若鴻毛衆生及佛在此一豪

示宗真李善人

以指示人指端有旨轉爲指物障翳先起看彼輝光
莫過兎麗夏有一人鄭十三娘

口占

蒙七與多展青帘縣酒家道傍何童碣大半入泥沙

寄雞足良因禪人

葉鏡湖中月葡萄江上山無花果自熟此意好生看
示葉榆道邕行者

玉案千峰裏松花可食無羅浮秋有月纖纖上白榆
辛亥春見好事者作僧史信意喜怒畧無公心
不覺浩歎因覽升菴公集載西遊雜述云虎穴
猶能入猿梯亦可臨把關獮子面開店主人心
濡墨乃感和二首

佛魔相出入坦路不登臨可歎如來後翻爲取舍心

又

喜怒馮出入顛倒亦登臨弘法真有意當秉祖佛心
碧雲寺

山深多白雲地僻無人過日上三竿竹階除麋鹿多
賦得白鷺鷥

自是瑤池物別羣南徼中三步一顧影何時歸板桐
九月桃花勝放

殷勤在二月不聞拂秋霜自是今年別溪頭兩度芳

青平

入望青平噪早鴉斲橋流水野人家駐看遠墅晴嵐
裏幾樹茶花亂曉霞

祿賤

水繞西南都闢居
育王遺迹久荒墟
龍山有店曾留宿
暮汲螳川煮野蔬

雲封草鋪舊曾遊
此日重來野樹幽
故老不知何處去
空遺瓦竈冷煙浮

白邑村

水曲山彎白邑村
臺荒樹古暮煙昏
停車一問桃花店
痛殺絲蘿挂石門

鴉關

負公擔來萬仞山
雲中一鶴自東還
南方十月無霜雪

雪不待雞曉早過關

獅口

萬谷蚪松一色斑
山重水也水重山
獅村人盡荒基在
畱得殘碑臥草間

楊老

重看楊老石何奇
遠樹環煙接水濱
望斷荒邨浮暮色
山山紅葉帶霜枝

懷古

星宿河邊楊子詩
墨花猶作舊時疑
誰知此日碑橫草
字食苔花更可思

淨蓮菴

秋終又過淨蓮菴茶煮流泉在石龕隔嶺漁樵喧公
路雙雙野鶴下煙嵐

響水

微外雄關響水西山巖如筍插蠻谿鳥噦蘭谷秋天
晚野店重來寄杖藜

碧山茶花

賅地山茶映雪開清芬款款過溪來如何此種藏深
壑不到名園鬪碧梅

雙門

平明拄杖上雙門西望晴川八九村犬吠遙聞霞谷
裏林春雲子落松根

趙普關

日午停驂趙普關猶愁嶺下鐵衣還當年不取封侯
印未必南征過此山

早發廣通

雞啼荒落瘴煙明又促征夫未曉行林外紛紛黃葉
落秋山黯澹一峰晴

望鹿城

日夕泉流石澗旁漁蓑數點近波光迢迢野逕通城

撰述

聖竹禪師後金卷第

郭戶戶炊煙曳練長

石人

俗問何年來此地風塵未息爾曾知南宮不過休相
望莫厭緇衣頻寄詞

仙人骨

雲峰堆裏漢藏骨能使清名徧五湖一任人間有此
病不教扁鵲又模糊

石鼓城

一到城邊秣馬堆草橋流水自北回淵淵清越無人
在自古名成骨已灰

白雲寺

白雲山寺逼青霄一上峰頭破寂寥野鶴無心天地
外秋風十里動松濤

沙橋

野草荒煙古碣斑我來松下寺僧還共枕沙橋悲夜
月明朝又空小孤山

煉象

不到象崖已十秋山光猶接舊時眸枯腸搜盡無佳
句幾負煙中碧水流

武英闢

曳杖秋來到武關愁雲漠漠繞空山上林殺氣連峰
起獨有緇衣似等閒

緣蘿泉

獨在梁州住十年重過弄棟煮甘泉一杯誦罷揚雄
賦笑入江城落日邊

望蒼山

姚雲分處看杉松一葉西垂一葉東莫使連天一樣
碧依然雪月又相同

小雲南

雲染胭脂堤水要一棚清趣也堪描山名波浪橋名

五木狗而今夜不嘆

弔楊聞谷居士

自釀老春西洱水閒攜獨醉點蒼雲如今漸化邙山
骨不識梁州誰憶君

郭居士

年來愛住尖頭屋數盡池花三兩曲若是黃頭碧眼
胡愁腸慢寫寄金粟

贈道者

一色霜風透骨寒疎燈在壁冷誰看林間不是修山
主向藜牀話夜闌

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

一
撰述

重刊補訂後錄卷七

八

望九頂

不盡谿山遙碧岑嵐煙望太邇茨溪峩巖樓閣層雲外似聽疎鐘送曉音

晚過賓陽張州牧別業

湖山倒影日西斜對坐波光論井蛇俗問古人誰得似輞川風度屬君家

金牛山經煉洞贈白雲居士僧

負杖金牛薄暮天青霞踢碎草鞋奔遙看煉洞千峰裏百里松禽落鴈邊

拈華寺贈德解

破雪遙過百接橋擔瓢不負白雲招山房說盡平生事坐對殘紅又一鞠

十載昆明老杜多釣竿擿盡冷漁簑今朝得到拈華寺養雪分題詠綠蘿

夜雪

邊雪飄飄下夜郎山窗茶罷恨偏長茆房不斷三更火杳杳鐘聲到客牀

蘆花澗望靈峰

雪積蘆花未見消夏無客過洗心橋靈峰惟有曉猿在常叫三聲下碧霄

雞山八景

天柱佛光

萬尺峰邊絡絲霞休云石穴隱靈蛇
名山自是真人地瑞氣終歸佛子家

華首晴雷

重登畢盃聽晴雷每見羅川晝晦開百尺飛濤天際落寒聲不盡隔黃梅

蒼山積雪

望云蒼蒼積水隈華銀半是白崔嵬應知塵俗終難到獨許幽人蹋碧苔

洱海回嵐

葉榆一水繞羅峰雨霽還看翠色重莫道晴霞看不足又隨夕照過芙蓉

塔院秋月

名標尊勝此雲峰勢逼南天雪嶺雄夜靜回眸霜雪裏清光疑是水晶宮

萬壑松濤

山風翦翦瘴煙晴碧樹重重午夜清若是書成休寄鶴恐伊喉作斷腸聲

瀑布穿雲

練挖一幅下天河
日照雲邊雪更多
寄語匡廬休獨步
青蓮曾此下絲蘿

重崖返照

木葉遙遙帶夕暉
胭脂紅起映巖屏
尋常倚杖雲邊立
亦有松聲落翠微

華首門

苔封石戶幾時開
彈指也曾出定來
可愛蒼巖臨萬壑
一聲噓鳥下崔嵬

示非緣肖善人

梁城三月雨初晴
處處蹋青過柳營
可笑遊人渾不

省依然桮酒醉沙汀

示宗理鄭善人

時節催人可懼哉
桃花又向圃中開
婆娑若解靈雲意
歸公何妨樂茗桮

許使君見過不遇卽原韻答之

附原詩公諱甡

麻衣帶曉青山公不鎖柴扉
白雲薄莫歸來詩字在
文光冷冷射微曛

水空山淨連紅葉磬冷鐘鳴
斷白雲野竹老人何處公別峰相見隔斜曛

寄松語

寄語山林道者流生柴品字煮清流有時忽地翻茶
铫始笑從毒苦話頭

壽玉章饒居士

庭中柏子霜毒色洞口桃花劫外香此日管弦人盡
樂三千珠履醉霞觴

代天童化主巨唯兄化米

昨日天童書信過雲廚要米飽禪和嵩山無力輸千
石敢告檀那意若何

己酉冬觀王出獵王宗語居士索書

鼓角樓頭未曉催吾王牙帳在崔嵬千旛共喜隨雲

轉萬騎同歡帶獵回

過關嶺

山頭款款白雲飛一片氤氳上衲衣本自無心隨云
往如何也伴老僧歸

冬日示守真宋居士

心隨萬境境誰真心境無依是道人莫守無爲行有
路時時始得與心親

示三學

萬指叢中看不足只須直下絕三學忽焉打破圓圖
的始信溪深長柄杓

示宗語王居士

萬竅怒號誰爲口百非坐斷亦莫守塊然無證亦無
違汰汰頭頭信我有

寄張邑侯耕煙老居士

譯方起

夾道多開七里香苑中也勝百花王他人爭看公休
晚又恐朱明到草堂

贈密化

雪霽林東好采樵寒猿曝日向山腰閒居野趣惟君
得弄盡松筠月下簫

贈嵐波

看盡山松與谷蘭歸來無事倚闌干有時月下清機
發卻把無弦曲調彈

答獅子林怡宇

渙慙老去住昆明十載難逃世上名猶恨生平無定
力又移竹杖過江城

贈大智菴覺仁

覺空空處可無塵若論到頭未是真只是家私都罄
盡惟餘明月可堪鄰

偶成

散步長廊月自來孤光一片遠林開天花未必霜花

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

聖公神爵行錄卷

三

落寒色清人滿緣苦

乘閒拂紙寫詩篇寫盡溪山不計年寄語故人今夜
裏韻成仍寄白雲邊

寄酬雞山石鐘嵐波

勞君六月苦行役白紙書情寄葉榆把出有時須自
看其間一字也曾無

贈本寂副寺

當年寶壽賣生薑贏得芳名萬古揚此日石鐘本副
寺脅毛鱗裏更成霜

贈嵐波首座

福來無事身閑千林霜月不識

道者名傳世已久石鐘得意亦非偶袈裟石外白雲
消遙見嵐波西洱後

贈松波堂主

山南晴公聽松波散入高天韻自和自是清音人不
識馮他狼藉遍煙蘿

贈蒼波首座

金山初日照蒼波綠樹輕含舞翠多始信陽春真有
腳千回燠氣高嵯峨

贈良因監院

良公有意輔叢林海會芳名又見今獨有石鐘翻舊

案無勞撾鼓逼同心

春日同友登大士閣似一心

自到山城雪未休如今始見日初浮春光從此開河
獄茗盃茶花得自由

答寂光寺淡修

拍板逢場便唱來諸人只要眼雙開眉閒若有些兒
礙依舊從毒被他蘊

答御凡

寄語山林書一行松蘿深處得疎狂欲知樹倒藤枯
句只問毒村李二郎

題白雲居天池

卽高捷曾先生隱處

亂山深處白雲居古木蕭森綠滿除庭下有池清如
鏡蹲趺盤石數遊魚

寄松波主人

見說雞山道意隆故將心事寄清風月來峰上如相
望秋老方能過嬾融

答雞山大眾

薄福年來祇自迂何當祖席識相符諸公不厭巴人
曲可待西來弄鷓鴣

送大旭

金地遙招欲起余碧雞三宿便回車他年不負祖庭
約從此無勞再寄書

示宗本葛善人

蒼山積雪覆千嶂黑水吹波繞萬松祖意西來都廟
渢如何別有好家風

示童子

明敏都來夙有由讓梨揖酒爾還優嵩山更授靈童
意一句明明六不收

示雲蹤雷居士

看看桃花暖氣和龍門巨浪蹴天河乘時好躍瀛三

綴莫待春雷燒尾過

示趙善人

三翻四覆上嵩山欲透油糍上上關若是踢翻階下
石回頭月在白雲閒

示知可善人

晴天遠望春蒼蒼鳥逐飛煙下夕陽識得東今卽是
北不須別處論行藏

訊圓通貫一禪師病

螺峰春色扁天東又向千巖看病翁曾憶圓通生藥
舖猫頭合劑效如風

春日答楚雄許別駕

正是林間報歲除
梅花已放到山墟
曉來又得陽春信
署裏定知景物書

示宗鏡刁居士

卽本甸土舍

者樂長官亦好道
嵩山老衲也通方
拳頭豎起無他事
不是愁人也斬腸

贈存之張居士

覺照寺虯張道者時時在定倚窗櫺總來得到毘邪
默何用高談了義經

寄蒼舌道者

九年少室甘磨折一日逍遙入萬松月皎星稀鶴夢
令不知身在白雲峰

送蒼舌知客吳門代省

裝束衣囊公夜郎身輕萬里到平江閒時若上生公
石海湧峰頭月照窗

哀牢南下望長沙買掉隨流趁曉霞若到閬闔城上
日趨庭方喜飽胡麻

贈宗鏡羅太極居士

十載雲南竟不違喝來棒公絕離微從今付箇青州
襖省佚軒虯春自肥

寄雲夢汰孫

昆水東流草木春，從陁北接夜郎。
雲山山水水如何，取大抵先須絕見聞。

尋玄鑑遺蹟示釗侍者

鴨池城下海波流，玄鑑遺踪可在不。
四百年來彈指項高風，此日孰堪儔。

贈昌侍者

嵩寺老人白髮垂，長松家法有程期。
歸來不負平生志，折腳鐺兒要汝支。

送戴綸之還句容

委遍梁山始買舟，歸帆北發正秋高。
洞庭行過五千裏，得到金陵可解弢。

中秋對月分韻得花字

秋色平分望海涯，時聞林外雨催花。
夜淡梧茗情難盡，又到閒房笑績麻。

與蹇文山居士

要論諸方五味禪，不如歸去且高眠。
一方明月如秋水，文山文山可了然。

贈江陵鱗長馮居士

鶴下龍洲碧草竿，漁歌虎渡綠楊煙。
江陵境物君猶在，

記者事如何未悄然

辛亥六月大水紀事

蹴天風浪駭飛鴉捲盡田廬作海涯卽有舟航無路
公銀河誰肯借仙楂

贈宗孝閭居士

孝關東人藩下擺牙喇也割股救母母終不
痊當母喪時又然身燈六十八盞供佛以資
冥福故表而出之

我聞古老孝無違刻木鑿冰近日稀昨日梁城聞細
桺始知戲彩屬征衣

薦董護法鐘翁

翁宦遊終於平陽

白髮垂垂六十霜黃堂幾度動柔腸如今踢著來時
路回首西川日月長

弔沈總戎

諱應時

平生俠氣慣沙場履雪眠霜誰得失夜來撒手得回
光滾滾紅輪偏界赤

薦胡門姚氏

昨夜回光息萬端馮他性海起波瀾陶然信步東風
裏翠竹黃花一任看

中秋謾興

敲石烹泉獨酌時清虛一色冷山墀寒砧搗碎谿頭
月處處霜花結桂枝

把盞問月

華茶烹熟酌玻璃此夜開懷一問之
尋日雨中何處公倪裳不見舞東維

喬松棲鶴

澗上穿雲不問年雪衣舊好冷巢邊春秋雖邁情何極
一任会晴得自眠

思親

萬里悲風起暮秋一身多病臥梁州
淡慙興化當時

事此日徒懷蕭寺頭

苦雨

寒蟬幾樹冷淒清不見峰頭半刻明
俗問銀蟬何日至爲人一埽海天晴

蟬鳴樹底

景物催人雪滿頭又聽葉下報高秋誰知故國多年
恨不在成都錦水流

疎竹吟風

疎疎綠葉覆龍孫一樣吟風在故園何用梅花開笛
裏江城聽得便消魂

聽上方梵唄

宮商向曉落原野
又見隨風來上下
脩問同人知不知
青天白日何爲者

池成月自來

鑿出盈盈十尺水
波沈細看月初生
誰知此夜寒鉤淨
印破池心一片明

雁行

字寫秋空一兩行
飛飛南下到衡陽
如能宵帶平安信
爲余問訊白雲岡

玉梅

移盡一谿傲雪骨
奇香不爲熟腸開
祇應寄訊羅浮月
仙胎已放碧巖隈

壁上綵花

數點紅霞映壁來
清香一爲主人開
莫言已奪天工巧
信是廣陵折得來

看菊

無人送酒到僧寮
白石籬邊一醉陶
看罷夕陽新月出
乘驢又上石谿橋

步月

微雲望太澹晴空
閒步松庭韻不窮
遙憶故人俱在

北未知何日到谿東

嵩山晚眺

杖藜晚步到春山
十里煙花杳靄間
自是筇轕行不足
歸來已見月珊珊

聽琴

玉几冰絃指上挑
高秋夜靜落松濤
更勞彈罷關山曲
倦倚窗前月正高

洞庭秋月

倚樓一望楚山孤
素練清暉冷碧蘆
夜半魚鼈歸北浦
湖波寂寂冷秋菰

昆明八景

昆池夜月

霜鴻欲下夕陽低
送盡樵歌上柳堤
若泛清波須載酒
孤光一片在城西

商山樵唱

風清款款響晴坡
竹樹參差隔薜蘿
只待夕陽催去後
煙霞十里鎖巖阿

金馬朝暉

華峰一帶是漣漪
汙血當年躍此池
畱得朝暉看不盡
至今猶說子淵碑

碧雞秋色

雨洗煙巒聳郭西飄飄黃葉落漁谿此時共看疎林
晚一色秋光映柳堤

雲津夜市

非舍津頭夜火遙年年北客醉春宵燒鵝卻是南中
物說與北人好駐鑣

官渡漁燈

江城郭外木郎邨曲曲蘆灣爭渡喧雞鶴看人情已
熟尋常相逐釣舟翻

螺峰疊翠

小小幽岑看益奇誰攜春酒醉相知我來石上頻相
望楊子曾經舊有詩

龍池躍金

浪浪如銀滾石門春來每見錦鱗翻也知爾是乘潮
物何不天飛苦自冤

洞庭山月

秋高正有湖心月萬頃寒光映碧梧縹渺峰崕人未
臥不知誰在醉姑蘇

望華山

飯罷池邊步野郊一望雲中白鶴巢僞問東風何大

緩猶存殘雪在松梢

禮千佛名經示眾

答問長沙何處公報云詩在黃鶴樓分明底事人難識
鎔認光明枉指頭

益州嵩山野竹禪師後錄卷八

廬陵門人宗昌編

雜偈

贈于翁王總戎

都護邊城重牙旛在戰壘鐵衣塞上雄九重嘗賜璽
西南旣已肅養馬青山裏簫鼓與民樂英風生萬里
己酉秋送王公北上

清名南徼外治化齊龔黃碑石新磨礎民歌草木香
行裝真有日借寇竟無方誰道百蠻蠢也知循吏良

答升菴公謫滇而滇之烟瘴險惡公履之自若

也余至滇觀其景物絕不相謬壬寅主汰嵩山
問公遺迹有僧乳峰者言公儀表類余余笑曰
公誠大儒才學俱高余一陋質何言類邪又言
高寔有祠亦可證也待訪之不果已酉方伯李
公太官浙惠公內外全集展閱至續坡翁浮雲
妒佳月奇怪世傳坡乃戒公後身今又言余似
楊豈升沉之言絕不虛邪遂感而賦之

羊鹿駕險道螳螂當岐路惡竭駭蠭薑入棚軋長輪
下門能負山蓀笑儕秋杜長門司馬風偃嶽肇公注
浮雲妒佳月忽然省世誤

示化一堅冰二知客兼示夢周

送往迎來事照顧離弦箭好箇盞盤珠莫作空裏電
言談室及時母受景風扇入門看賓主登堂著方便
一朝大夢破無限奇珍見

奉和耕翁居士嵩山夜話

是夕翁作碑跋

翦蠟情未已攜壺向東閣紗窗映晴星香泉流夜壑
微雲澹澹來白月正寥廓寒色起青嶂水光搖碧落
高峰露欲肥喬木夢老鶴更深燈火殘風霑蘆華薄
握手寫新詩此時興已綽一揮敵萬夫再埽妒佳魄
回首夜如何搏桑紅日爍

過楞伽石贈輝然靜主

偶然獨上楞伽石百丈枯藤飛鳥迹遠望高天不見
烟到門列坐逃禪客巋巖迴絕羅三川岌磔孤危虛
四壁澗曲淒淒白水縣雲飄自是紅塵隔

勉玉林體賢二居士

立身空看古之白句巧須看古之甫平生眞率人皆
欽草堂夔州如故土幾許清韻又相同兩公高名人
所取此道坦平皆可行從來自是李與杜

和李玉林杜體賢二公贈從聞大師原韻

結得茆房聚名賢燒豬沽酒仍相牽三生石上歌不

足又向葑谿蹋春烟此是無爲真自聖亦又隨緣別
一天高吟豈作尋常事搔首裊回同輞川

送象翁耿路南

路南使君臺上霜風清画棟龔與黃又看瑞雉羊城
日東過蒼梧太夜郎萬里相攜惟一鶴百錢桂處是
行裝若到南越飽薏苡可將一斗寄上方

贈二嶽昆仲北歸

春夜東山設筵席酒酣作賦紀行役北歸獨有詩畫
船暫還隴畝林下奕今夜且盡杯中酒明日楚關復
何有翱翔秦川夢裏山若到咸陽先種桺

悼祁總戎

諱三昇

訓練之餘喜逃禪羽扇幅巾得自然已似瀾滄滄波
月更勝楊李日中次肅清南服革皋績埽蕩妖氛諸
葛鬚綠柳淒風來洞壑紅桃血語響春陽蕭森若木
夜殞立寒瑟邊月徒空縣江上雲峰懷玉斧邊城鐵
柱誰爲樹異牟賓服沙磧寒梁益祇今無將主

次護法毅淑楊公見贈原韻

梁園春色來十里多有名賢論至理心清虛無蟬夢
閒神遊秋水南冥裏高人獨處號牧雲口涌清淨久
超羣自是英豪能如此不是尋常洗垢氛丹房早晚

服大藥無事隨雲騎一鶴紫府僊宮任遨遊蓮社詩
壇亦有約

龔北泉劉粹吾轉藏經十二藏歌以贈之

夏夜月生殿閣上經聲落處華雨颺檻外流鶯來啾
啾窺簾乳燕兩相向雲南有客神清奇蕭浦風流難
測量不逐浮名惟道親邀人閣中翻龍藏如來字字
無他詞一畫一畫真實相玉軸有時用不著金經一
取返魔障偶然作此詩一篇逸興宛轉歌喉亮此情
寄語兩徵君聞之能無消惆悵

廣通

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

聖門司印金卷

四

疲馬入荒城登樓喜晚晴霜飄望子洞風急武侯營
倦夜空先臥防邊欲早更來朝卉路遠數聽曉鐘聲

宿鹿城東馮太守

譯註

寄宿苴橋北鐘傳野寺東垂楊太史樹遺廟武侯宮
月皎谿光白人寒市火紅欲暝興未盡還聽響山鐘

至日壽何檀越

易回蘭谷暖佳氣結山輝瑞雪堪圖畫流霞可奉卮
霜黃園橘淨影赤縣弧垂此日山林叟題篇贈紫芝

賓川報國寺

行行入古寺亭上樹新碑篆額丹砂在題名翰墨垂

鳥飛遊子意詩紀太公祠勝槩如能寫長思杜拾遺

示木邦土舍衍合

木邦荒服外兩耀豈不同黃金呼爲衍水椿亦稱虹
字畫半丘翊象乘險必通來問西來意一掌理可窮
九日

秋老梁山碧攜壺今欲趨隴楊疎尚翠園橘冷還腴
洗琰松風勁倚雲洞壑殊華峰開夕照處處醉茱萸
喜雪可維那月可後堂二子呈偈遂贈

泉石居來久烟霞秋亦深登堂談四相翦燭論三心
僻瀉淨因辨河縣覺範襟繁秋當白日入定在嵩岑

和張青厓兄遊古庭值雨過歸化茶房小坐原
韻

未至遭風雨古庭時尚秋香消苔畫壁殷冷日鳴鳩
小坐烹茶室歸看放釣舟疎林正落葉野徑轉深幽
次從聞兄遊古庭原韻

無事尋山好孤卽訪舊遊谿光生野興雲色含清幽
雁陣湖山冷蟬吟草木秋晝谿今有韻新句在樓頭
中秋贈蒼波嵐波還雞足

結束腰包久歸心落日邊金川翔公鶴劖嶺拂晴烟
半壁丹楓外孤雲碧岫荷頭陀蘚石上歸太任高暝

過胡公怡齋

太華開曉霧北太到怡齋入戶聞琴瑟登庭步玉階
香簪茶華盛瑞雀石蘭簪滿苑生秋色清言可暢懷
送張旦平居士還里

張子思歸日昆明正晚秋霜鴻辭北陸雪騎別西樓
明日夜郎遠歸帆涂路脩彊傷終必到書信寄來不
昆明道中

筍輿未曉發嵩阿殘月依稀在女蘿赤甲邨烟連曙
角白睂谿樹入晴坡幾家茆店雞聲雜百尺板橋野
色多溼盡鵠衣華頂露回看昆水冷漁蓑

宿安寧州

十年兩次過安寧一衲天涯歎野萍古蹟荒來迷賈島溫池望太得鳬汀虎丘遠水流明月蕭寺疎鐘落曉星旅客牢騷爭太路孤城回首霧冥冥

祿豐

一杖隨雲過祿豐城橋有寺鎖龍宮烟嵐北太丹崖遠晚翠東來碧岫通諸葛遺蹤荒草裏韋皋墨蹟劫灰中愁看義塚碑橫野一水寒流送夕風

旅舍用壁韻

杖底風生得自由行經鳥道雨初收穿林野蔭愁山路過澗晴開見石樓塞外郵亭遺舊蹟山肴客舍俛清流我來倚杖青天上遙望點蒼雪滿頭

早發金蟬寺

月落金蟬別楚雄關山盡入曉烟中樓然戍火燒谿雨閣動疎鐘繞樹風二水同流搖地軸三星并落收漁筒何人作賦懷仙子墨迹猶傳在寺東

沙橋古寺同從聞大師題壁

把手烟邨舊寺遊烹茶又向白雲樓佛龕石墮香狸穴僧榻雲封竹鼠畱斷碣深埋豐草裏雕梁半卸圯垣頭如今宋莫無烟火獨有秋風白杜洲

撰述

聖公社師徒錄卷八

再過龍華寺

龍華今日又重過爲欲尋幽向綠蘿近夜鐘聲迎莫
雪臨谿華氣逐樵歌參差碧樹環烟澹向背青峰映
月多寫境無過人境外不須惆悵對明河

洱水贈祁鎮臺

松杉萬樹列蒼巒洱水迢遙下雪灘三寸交梨霜夜
赤一拳火棗雪時丹牙旗令肅將軍帳鳳詔泥封玉
帝翰不棄梁城當日事何妨煮茗對嚴寒

洱海城

西來信宿入邊城此夜嚴寒雪未晴石倚丹厓雙鳳

舞雲封碧岫一鳩鳴寒光遠映松千嶂野色從容月
半汀磬接感通秣馬地徧遊南徼臥龍營

賓居道中寄督府衛公

浮梁曳練冷谿濱古木搖烟蕩野蘋雪色如銀隨遠
近笳聲帶冷動鼙响黃柑樹樹三冬熟碧瓦粼粼四
野新昨日肩輿來若水孤城又得聽經綸

晚遊賓陽小西湖贈衛使君

孤峰獨立字飛來小坐西湖晚興催好事幽人同感
賦無情野客共銜杯接天墻樣如天竺覆地華含看
雪梅更欲湖山都拾去回頭早媿子瞻才

撰述

聖不神歸後金

贈石鐘松波

已著聲名耳水東蒲團靜對畫圖中青山自重荷衣
客白社還欽惠遠風松頂泉聲飛玉液雲間秀色度
霜鴻我來共話平生事笑看棲鳥雪嶺東

雪霽贈石鐘印文禪師

條條赤石字芙蓉百尺高寒樹石鐘霧寒猿方出
嘯晴開牧豎遠相從茶瓜延坐嵩陽客亭榭低徊水
檻松無事與公談此夕野裡且架送殘冬

雪霽登天柱峰有感

捫蘿雪霽上高岑一柱摩蒼差可尋華首晴開當曉
日袈裟石淨論傳心天高無際真寥廓地僻長寒送
夕舍自媿攜瓢來聖蹟振衣千仞望西林

宿迦葉殿

雪頂寒深繞薜蘿今朝一上晚晴多雲拖石壁生新
霽霧鎖飛巖可避戈夜聽霜鐘天上落松移山月榻
邊過此時已與風塵遠何必愁來問覩歌

念佛堂贈近微

白髮堂開雪嶺阿朝朝飯罷入禪那磬鳴鶴鳥生臺
立日上寒猿野樹多水汲靈湫分玉液廚炊雲子割
秋禾閒來把殘僧肉上坐看松濤落鳥窠

桺述

聖公禪師後錄卷八

荅蒼波

得到青山興轉賒
高人相踵論拈華
東林散步看織月
北院分題詠曉霞
勝事偏能馮野鶴
間情獨是狂僧家
朝朝共坐千厓裏
庭際猶空詠雪華

荅文郁

見說名山第一居
清池歲歲長芙渠
斲厓不見孫思邈
絕壑還逢支遜廬
石刻旣傳韓柳賦
僧房尚挂宋元書
嶺頭不斷曉猿狖
客恨難教得自如

登近雲樓有懷

雪晴一上近雲樓
西望平原已盡秋
橋鎖金沙黃石磧
山開玉壘赤松丘
千巢野鶴棲琪樹
十里寒梅綻玉溝
粉壁題詩名姓在
獨教雨淚付東流

己酉秋巨唯禪師見贈弘覺老人竝遠菴和尚語錄詩以致謝

海岳迢遙落葉天移來慧照看雙縣輝光浩浩高蒼
月廿兩微微太白禪直使狼狐迷影迹還教虎兕失
巖泉梁州從此開津濟一片和風散楚滇
荅大賢

閒攜竹杖上崔嵬
懷抱忻逢此日開
雪霽金沙流若水
山連鍊洞到層臺
長松萬尺盤根大
野鶴千巢古

撰述

聖公神師後錄卷八

十一

寺隈此地雲深空放浪何妨密密杖藜來

大覺寺觀姜御史遺迹

驄馬西來隱翠峰題詩滿壁在長松刈茆谿上逢禪客養鶴庭卉太毒龍月煮沙鑰新瀑水飯炊雲子隔宵春如今鐵骨歸何地倚石沈吟念答客

早過華嚴寺望羅漢壁

日照山門古徑松清晨扶竹覺蹣跚坐觀削壁連深壑俛聽高樓遞梵鐘谿色含晴寒氣迫瀑聲斷續練光重青苔踢徧尋歸路又向僧僚展笑容

題傅衣寺松贈虛中

古徑婆娑綠影斜風來日日埽苔華枝橫澗水千年浪葉蔭名山百步沙青靄時看僧入定蒼苔猶見鶴穿霞虛聲何用畱江漢不及頭陀一笑奢

復片雲居

寒盡空山檻可凭龍梅又見映峻嶒山中緇服存詩道雲外高人念祖鐙落日漁樵辭洞壑方春緩鳥近禪僧如何祖印傳今答未見芳名繼老能

贈大悲閣清宇

刈草依山築隱居丹霞作壁石爲除賓川已謝徵僧名古寺還辭侍御書漫步輕衾松月滿閒吟薄莫水

撰述

里外詩的卷之八

二

雲虛才名不落天人耳時傍谿南擷野蔬

贈石鐘德周

一錫南來到石鐘情同瘦鶴日棲松間縫壞衲依暘
谷笑倚清軒看翠峰不說苦空心自適時焚柏子客
相從年逾真際休行腳只傍谿山學老農

同印文看梅

日暖相攜步草萊臨谿小鳥向人哀每逢雲外流香
遠卻看山邊細蕊開放盡輕含仙露潤今知貴種月
宮來爲貪幽韻情何切不怕夕陽在綠苔

暇日

居山已謂得翛然誰料身心返被煎圃上土雞常啄
菜谿邊水鳥汙新泉風吹雲壑厓花折鹿過山坡草
色捐更有一般全沒趣逢人只見是非牽

晚望赤石厓

奇峰丹壁巧難圖十里松杉逼鏡湖薄莫晴霞籠遠
岫扶疎倒影下荒蕪深林不覺鐘聲暗水淺還期月
色孤此外紅塵飛不到徐行始得自瞿瞿

同密化晚登益孟峰答繼聖禪者

行來石谷采幽蘭過盡烟霞露未乾倚杖孟峰曉鳥
徧依巖流水瀑華寒雲開斷壑山千傾月照深沙水

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

聖公神的詩集

三

一灘回首不堪霜夜坐渾身寒色覺衣單

慧建菴同毅淑楊公子固居士賦得梅字

曉行清趣遠山開又到名園看早梅蕊綴晴霞春正好香連曉雪玉方回雕闌凭空閒敲韻苦茗烹來且洗格賦罷瑤篇俱上馬明朝有約又重來

又和毅淑楊公看梅原韻

譯彦浣

南天未雪已多梅不似江城笛裏來韻就新篇茶正熟香飄細蕊雁初回當年蠟屐遊難到此日柴門鎖更開不是撚須成五字文光早已奪高魁

次怡齋看梅原韻

鍊就鐵衣喜種梅梁城東上草堂開白沙隄擁連雲綻青草橋通帶雪來幽徑風微香細細晴窗日暖粉
皚皚誰知貴種人間少卻向名園日幾回

薛蘿居值玉林居士寫畫索句

烟霞深處結茆堂庭柏森森傲早霜好鳥窺人情自得閒僧著論理俱長正逢裁紙圖山水卻聽歸禽下夕陽此境何妨看到夜明朝夏欲到雲岡

荅參智禪者

檀山青靄葉榆邊萬樹寒猿叫曉烟濟上一宗歸錦里黔中半益老南禪鋉明丈室談心夜道接長松近

模述

聖門子金文人

楚天自古英才梁益勝名聲總不別林泉

荅智足禪者

自理綸竿坐釣臺金鱗未躍白波開長歌幾曲思船
子清韻一聯屬辨才釣上生擒看自俊橈邊活捉信
凡胎也知華首多燒尾故向波頭日幾回

和劉太史五月賞菊原韻

公招此月看幽香節候天中玉艷芳暑裏傷階五十
朱經秋笑日兩三行逸羣不問梟羹賜送酒還思陶
令長賞罷夕陽低在樹又攜竹杖去茆堂

又和九月賞梅華原韻

祇說天香九月開何知雪骨小春來從今石徑堪爲
友不向易臺定作魁憶答高峰曾落帽相將踢月又
銜格此間自是無塵俗卻把荷衣細翦裁

又和六月賞海棠

洗瓊梁園對海棠濃香露溼近秋光湯休此日耽佳
句蘇子當時咏曉莊最好全看金帶美含嬌不借玉
盤良長知太史詩偏達吟作明河一片霜

又和池心石山

烟消始見立香瀾載酒來過不貺看袍笏拜時終姓
米絲綸釣處定名磻秋深待月常貪韻夜冷添衣空

換述

重刊元詩合集卷八

壯觀多少遊人詞賦罷不須更論駁議冠

送張日平還浙中

離亭酒罷又從東折柳長橋興未終山路有程隨瘴
日扁舟無恙挂秋風霜楓遙憶吳江勝蘆荻相看秀
水同話及汪倫情更切天涯分手笑談中

中秋後一日同文季公嵩山對月

天香幾樹野人家此夜烹茶望太華莫道金波弄日
別須知玉浪此宵奢淒清最是秋梧葉嫋媚無非上
苑華見說峨嵋峰頂外看來別是一天涯

讀石門程昆明詩集

一代文章近在演風流神宰益堪傳才高漢使鳴金
馬力勝唐人詠玉篇不放夔州稱獨步還輕供奉拂
雙箋烟華已滿奚囊日更鈔南華秋水篇

和而足許公登雞足偶成原韻

譯學夔

揆奇得得入雲來粉壁留題鬼亦哀石上素琴松入
韻華間秋月影沈枯蕭條離徑迎春柳斲續谿烟破
雪梅媿我無才用事拙揮豪依舊病魔催
音盡又和過聖峰寺擬登絕頂不果原韻
乘興翻然上苑遊逍遙野望衆峰幽厓飛欲墮蒼雲
石水落還驚白雪流得意長多方外士怡情不乏掌

撰述

聖代元和後金石錄

中甌從來此地標題甚寫徧青山百尺樓

又和宿大覺寺原韻

公時赴宗人府經歷

看盡雲山是幾年尋幽長在白華邊參差松竹如稽嶺起伏巖廊似輞川倚柱敲詩秋夜月卷簾對菊午時烟公車北上京華日折柳橋頭扇盛筵

春王小坐傳衣寺茶華下

山茶一樹散春期靜對庭香雪老時獨有清芬如上苑絕無嬌氣似辛夷巖蠶莫逐華須嫩草蝶長隨粉瓣窺不爲興酣人便太判教夕照在東籬

送三山陳刺史還里

北上公車數十程明朝天未卽孤征夜郎山色愁中過渝水烟光靜裏明白兔亭邊青嶂月黃牛峽上紫猿聲不知別後遭何日相對山房欲二更

一補遺

登高

倚杖千峰側裴回岳色孤霜催杞菊老風妒石苔蘚白水流淺淺青霞看有無回頭尋太路落日倒荒蕪

溫泉

此水流不歇濯濯蒼丘月色深淺來上下照玉闕沉屙滌何良滑潤如香醇洩洩日三潮靈物宅幽窟

贈小壺橋戎臺夏公

軍威百蠻靜昆海駐雕鞍弦動邊庭月弓懸老將壇勤王心耀日題柱篆飛鸞肅殺才方歇休言歸挂冠

臘八日雪

邊地寒膠含橫窗映玉林天花散石砌山谷凍珍禽碎翦鶩毛淺屑飛洞壑漫言梅信早邀爻過幽岑

雜詩

昆明池似鏡微白月初來官渡漁燈遠晉陽客夢催蕭森孤樹蕭索莫片帆回借問梁城寺柴門可暫開

贈別思園余明府

握手嵩陽日論交如弟昆風流高北海著作邁南軒已固歸心切徒勞借寇喧五華分別處公住兩難言

九日過衛府新荊梵刹贈尼性空

邨邨黃葉飛况復直重九我行南國西梵刹砌瓊玖金純亦界道高閣背北斗能仁趺青蓮大士遙垂手已勝獨孤園末山道頗厚將軍每參隨侍從皆蘭友咳唾西來意屈信鐵磨肘此是上上機爾今斲疑否宿金閣寺示得實劉居士

偶來金閣宿茶花樹樹紅泉響龍窟近林深月影同愁時傾竹葉夢後憶蠶叢回首雞聲碎清鐘杳靄中

撰述

聖人禮記後金卷八

壽弼臺張戎府

五岳高峩百川浚流福今壽今可以匹儔公之功宏
勒鐘鼎公之德陰佐王侯是故合十祝公之壽與福
於萬斯秋

壽玄初劉居士

須彌不足渝河岳豈堪倫壽等虛空界此事不須論
嵩山更有一般祝大道之人何秋春

己酉菊月有居士吳井東鉏地得雲板一以送
余余酒滌之見上有小偈并署大元至正八年
萬福山報國禪寺僧某鑄詢之故舊言今白塔

街卽報國山門坐東面西洪武初移建別地今
歸化卽報國所移殿閣耳遂作偈以識其事偈
曰

大元招提物遺未四百年雖藏糞壤中終須無棄捐
感爾一朝出使余淚泫然浮生豈一夢世事如轉圜
白首看人忙日日苦相煎若云各有適不知總幻緣
譬如報國寺今移歸化間誰是長年者無乃寄嵩山

禱雨

炎方草木火爲薪見說今年是旱辰罪已回天灾此
月開倉賑粟可蘇民隨車卽有仁王澤起稼還歸岳

撰述

聖名禮記卷之八

廟神感德元元泥首切家家齊際太平春

禳霖

獨是秋來雨色重梁城日夜水淙淙芳園未論海棠
苦田舍偏傷禾稼凶當事蘇民情更切名藩憂國意
還濃西郊禱後陰霾舉一色青空挂日容

次月下看梨花原韻

春色溶溶上苑花植根應得近官家餘情幸不霑塵
俗高潔偏能淨晚霞映石只愁香冷落臨風學舞影
橫斜月明素練如何辨一片清芬鬪麗華

夜泛昆池

聞來小艇泛滄浪夜泊芳洲杜若香漁火近人三百
尺楓林隔渚十千章停橈靜聽鯈魚出洗殘遙看蝙
蝠翔情切祇今秋水月興闌猶在衲衣旁

再泛

明河泛泛迎秋月華嶺飛飛出岫雲望太蒼池開素
練行來白荻動清氛競龍渡口燈如畫畫鷁船間醉
正醺愛此佳遊不易得洞簫多在鏡中聞

贈擎天胡公

每望清華一色秋飄飄桂氣上書樓窗紗彩畫雲霞
活詞賦新奇李杜儔愛客偏能忘勢分談兵不必貴

60 1 2 3 4 5 6 7 8 9

70

1 2 3 4 5 6 7 8 9

80

撰述

題竹禪師金石錄

封侯梁園孔雀屏
開日早見乘風作上游

再過金閣寺示晏然朱居士

再過龍宮動汎雷
天花霑處淨氛埃
榜巢飛白新黏壁
裁紙臨池作賦才
宗說通融忘理事
生緣盡淨好襄回
信知金粟身是只
任狂歌酒一桮

寄銅仁東山端居和尚

草堂東山陽崔嵬
摩高蒼下瞰銅巖
水春流浪花香歲
歲結珍果同根夜
郎鄉正有南歸雁
無書祇自傷教人
眠不得徒斲幾回腸

示蒼雨書記

六合春蒼翠三川響怒濤
此時天正好尋幽興益豪
出雲峰如削墜壁石似刀
歸來嵩寺裏孤琴爲爾操
贈育之張公北上

公車今北上明日下夜郎
馬首關河遠征塗草木香
春深荆國渡酒醉楚人航
若到燕然日題詩寄故鄉
壽高太夫人劉覺證

庭下芝蘭秀冠蓋舊聲名
伯仲英雄并提兵各專城
黃鶴今來下玄冠映高旌
林下如何祝上壽過錢彭
朗耀禪師塔銘

知幻卽離始悟本末早
鬚髮惟勤以學負笈南北

融師磨琢滌膽煥肝大夢斯覺聲輪宣明雷震雞足
黑白相從囊錐始出象教嚴設可侔身毒汰幢旣摧
叢席灑泊瓜瓞聯芳有人繼續我寫銘詩刻此貞石

雷宗遠爲百歲婆祖夢乞偈刻石

擦手便歸去此事復如何一事無貪著勞生脫髮河
秋風吹霜出月色滿藤蘿滄海常變幻焉似百歲婆
朝辭親爻努力到坡陀故余作長句刻之在雲窩

宗派偈

福宗妙果慧海心禪汰洪祖道德溥鐙傳廣承真印
板存嘉典 撫嚴寺經坊

60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

